



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

XI. Institutum, & Constitutiones Monialium Adorationis SS. Sacramenti in
Regnis Galliæ.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

nus. Sigismundi S. Georgii ad Velum aureum Chifii.

Thomas Marchionius, Presbyter Florentinus. Petrus Ven- Steembeck Bruxellensis Diocesis Mechlinien. Nicolai SS. Cosmæ, & Damiani Acciajoli.

Fr. Tigrinus Trigrinius, Eques Hierosolymitanus Lucensis. Christophorus Alexandrinus, Laicus Viterbien. Bonaccursii S. Mariæ de Scala Bonaccursii.

Fr. Thomas Bertotius, Eques Hierosolymitanus Fanen. Antonius Anfovinus, Laicus e Nursia Spoletanæ Diocesis, Felicis S. Angeli in Foro Pifcium Rospigliosii.

Dominicus de Benedicis, Clericus de Trebia Spoletanæ Diocesis. Jacobus Famianus de Caprara Hortanæ Diocesis. Hieronymi S. Cæsarei Casanate.

Abbas Petrus Palutius, Presbyter Brixienfis. Dominicus Quartarolus, Laicus Venetus. Petri S. Mariæ in Dominica Basadonna.

Diaconorum S. R. E. Cardinalium nuncupatorum.

Confessarius. Fr. Bonaventura de Recineto, Procurator Generalis Ordinis Capuccinorum, Confessarius.

Adjutores. Abbas Dominicus Cappellus de Accumulo, Presbyter Asculanus, Canonicus sæcularis Collegiata Ecclesiæ S. Anastasiæ de Urbe, cum prædicto Reverendissimo D. Phæbeo Archiepiscopo Tarfensi.

Fr. Magister Carolus Bonettus Ordinis Eremitarum S. Augustini, Subscrista.

Canonicus Joannes Catharinus Constantius, Clericus Aquilanus, cum dicto Rmo D. Episcopo Prophyriensi Sacrista.

Abbas Vincentius Checchius, Presbyter Ripanus, cum dicto Secretario Sacri Collegii.

Custos Fontis. Abbas Ludovicus Piccinus, Clericus Aësinus, Custos Fontis, & Aquaram Conclavis.

Medici. Joannes Baptista Ferrarius, Laicus Diocesis Montis Alti. Hieronymus Brasulus, Laicus Ferrarien. Physici.

Chirurgi. Joannes Baptista Pierius e Scofranio Pientinæ Diocesis, Chirurgus.

Aromatarii. Jo. Petrus Paulutius Pisfauren. Aromatarius. Petrus Corfus de Spetia Sarzanen. Diocesis. Ludovicus Stamigna de Hispello Spoletanæ Diocesis, ejus Auxiliatores.

Barbitonfores. Petrus Branca Squillacensis. Antonius Rosellus Firmanus, Barbitonfores. Franciscus Campus Pisfauren. Mathæus Zannolius Faventinus, eorum Auxiliatores.

Fabri. Stephanus Baldus Faber Lignarius. Antonius Rinaldus Faber Cœmentarius.

Dominicus Totius Ariminen., famulus Magistri Cæremoniarum.

Scopatores. Joseph Coletta, Paschalis Honorantes, Joseph Trovarellus, Didacus Santillus, Antonius Crovellonus, Antonius Comus, Joannes Franciscus Zonus, Michael Angelus Zonus, Joannes Maria Re, Joseph Morandus, Bartholomæus Onginus, Franciscus Coppa, Dominicus Gionfius, Carolus Antonius Guinettus, Ambrosius Rosatus, Paulus Antonius Brunus, Antonius Piscius, Antonius Pauletus, Gaspar Baldus, Felix Caroli, Petrus Stadius, Joannes Baptista Christophorus, Franciscus Catenaccius, Joannes Antonius Catenaccius, Antonius Felicettus, Joannes Nott, Scopatores Conclavis.

XI. Approbantur Instituta, Constitutiones, & Monasteria Monialium sub denominatione Adorationis perpetuæ Sanctissimi Sacramenti, quæ jam in Regnis Gallie sunt erecta, & in posterum erigentur, eademque subjiciuntur immediatæ Sanctæ Sedis Apostolicæ Protectioni.

Consimile Institutum Clericorum Regularium Minorum anno 1588. approbavit Sixtus V. in ejus Const. 81. Sacræ Religionis. Tom. 2. fol. 687.

INNOCENTIUS EPISCOPUS

Servus Servorum Dei. Ad perpetuam rei memoriam.

Militantis Ecclesiæ Regimini meritis licet imparibus per ineffabilem divinæ sapientiæ, atque Clementiæ abundantiam præpositi, illique pro Sanctissimo Eucharistiæ Sacramento, quod Dominus noster Jesus Christus in ultima Cœna quando Pascha cum Discipulis celebrato transfiguratus erat de hoc mundo ad Patrem tanquam passionis suæ memoriale perenne, ut inde arctius charitatis suæ immensitas fidelium cordibus ingeretur, instituit, jugi adoratione in aliqualem blasphemiarum, aut aliarum impietatum, quas nefarii homines contra idem Sacramentum committere non expavescunt, reparationem pia ejusdem Sanctissimi Sacramenti amantium Animarum adinventionem instituta dicuntur, non possumus, præsertim cum pia Catholicarum Reginarum vota exposcunt, favorem benevolum non impertiri, eaque, ut firma semper, & illibata perseverent, & quoad fieri poterit majora in dies suscipiant incrementa, Apostolici muniminis præsidio non constabilire, ac Monasteria, in quibus Moniales perpetuæ Sanctissimi Sacramenti adorationi hujusmodi voto speciali se addicunt, jam erecta, atque deinceps Benedicente Domino erigentur, eorumque superiores, & personas quascunque opportunis favoribus, & gratiis non prosequi, prout ad Altissimi laudem & gloriam, & Animarum salutem, ac specialem multorum Christiani-fidelium consolationem, conspicimus in Domino salubriter expedire.

§. 1. Exhibita siquidem nobis nuper pro parte charissimæ in Christo filiæ nostræ Mariæ Teresiæ Franciæ Regiæ Christianissimæ petio continēbat, quod alias claræ memoriæ Anna Austriaca Charissimi similiter in Christo filii nostri Ludovici XIV. Francorum, & Navarra Regis Christianissimi mater in animo afflicto, & contrito revolvens tempora Bellorum quæ per tot annos Regnum Galliæ, & alias vicinas Christianorum Principum Regiones infestabant, innumera sacrilegia, impietates, prophanationes, & blasphemias ab effrenata militum licentia, & ab impiis hominibus, sceleratisque hæreticis erga Sanctissimum, & Augustissimum Eucharistiæ Sacramentum commissa, & perpetrata fuisse, & ex perverso jam factō habitu, etiam in dies perpetrari.

§. 2. Et considerans, quod Galliæ Populi peculiari semper affectu, & devotione illud Sacramentum venerati fuerant, adeoque aliis Catholicis Nationibus exemplo pervenerant, illud in processionibus publicis Populi Catholici adorationi offerendi, & exhibendi voto speciali se adeo adstrinxit aliqualem tot malorum, & impietatum reparationem quantum ipsa Deo auxiliante posset procurando, unde assumptis secum in consilium, & operam nonnullis nobilibus matronis simili devotione erga tantum Sacramentum accensis unum perpetuæ adorationis Sanctissimi Sacramenti nuncupandum Monasterium Sanctimonialium Reformatum Ordinis Sancti Benedicti sub illius primitiva regula de stricta observantia in suburbis S. Germani a Pratis nuncupati prope Parisios fundavit.

§. 3. Quæ quidem Moniales præter tria substantialia Religionis vota aliud quartum votum coram Sanctissimo Sacramento diu noctuque alternis tamen vicibus persistendi, & orandi emittent eo animo, ut continuis hujusmodi orationibus sese tanquam victimas in expiationem

Dat. 10. Dec. 1676. An. 1.

Exordium.

Petio Mariæ Teresiæ Regiæ Christianissimæ.

Peculiaris devotio Gallie erga SS. Eucharistiæ Sacramentum.

Origo Monasterii Adorationis perpetuæ SS. Sacramenti.

Institutum hujus Monasterii refertur.

Deo offerentes, sacrilegia, impietates, & alia peccata, quæ ab impiis, & hæreticis patratur zelanter reparent, & insuper qualibet Feria Quinta non impedita Officium divinum ejusdem Sanctissimi Sacramenti, illud super Altari venerationi fidelium exponendo, decantent.

§. 4. Hanc autem fundationem, piæque hujusmodi Institutum præfatus Ludovicus Rex suis patentibus literis laudavit, & commendavit, ac similis memoriæ Margaritæ Alotharingia Ducissa Donataria Aurilianen. singulari studio ac eximie suæ pietatis exemplo promovit, subindeque dilectus filius noster Flavius Tituli Sanctæ Mariæ de Populo Chisus nuncupatus, necnon bon. mem. Ludovicus Tituli Beatæ Mariæ in Porticu de Vandome, etiam nuncupatus S. R. E. Cardinales tunc apud dictum Ludovicum Regem, & universum illius Regnum Sedis Apostolicæ De Latere Legatis, eorum Brevibus, seu patentibus literis confirmarunt, illisque inviolabilis Apostolicæ firmitatis robor adjecerunt, suppleto omnes, tam juris, quam facti defectus.

§. 5. Cum autem, sicut eadem petitio subungebat, a tempore fundationis hujusmodi dicta devotio Benedicente Domino ita creverit in animis fidelium, ut etiam multi de erigendis similis instituti Monasteriis cogitaverint, numerus que Monialium primo dicti Monasterii, quod in loco salubri & ameno extructum, & multa ædificiorum copia, & venustate perfectum reperitur; adeo evectus fuerit, ut ex illis permultæ ad alias fundaciones, quæ in dies offeruntur faciendas habiles, & capaces extrahi, & transmitti possint: & si hoc Sanctum Institutum pro illius firmiori subsistentia, etiam per nos approbaretur, & confirmaretur, aliaque infra scripta concederentur, & approbarentur; ex hoc profecto non solum Divini Cultus incremento, sed etiam ipsius Ordinis S. Benedicti reintegrationi, & propagationi, ac spirituali multorum Christianidelium consolationi peropportune consulere, & illud eadem Maria Tereisa Regina zeli, & pietatis aliarumque virtutum defunctæ Reginæ ejusdem Ludovici Regis matris æmulatrix totis animi viribus exposcat.

§. 6. Nobis, propterea pro parte dictæ Mariæ Tereisæ Reginæ, ac dilectarum etiam in Christo filiarum Priorissæ, & omnium Monialium dicti Monasterii fuit supplicatum, quatenus eis in præmissis opportune providere de benignitate Apostolica dignaremur.

§. 7. Nos quibus nihil magis curæ est, quam ut hoc Augustissimum Eucharistiæ Sacramentum perpetuo adoretur, & qua par est veneratione jugiter colatur Mariæ Tereisæ Reginæ, ac Priorissæ, & Monialium præfatarum piis votis, hac in parte favorabiliter annuentes, eandem Mariam Tereisam, ac Priorissam, & Moniales præfatas, & illarum singulares personas a quibusvis excommunicationis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatæ existunt ad effectum præsentium dumtaxat consequendum harum serie absolventes, & absolutas fore censentes hujusmodi supplicationibus inclinati:

§. 8. Ex voto Venerabilium Fratrum nostrorum S. R. E. Cardinalium negotiis, & Consultationibus Episcoporum, & Regularium præpositorum Institutum præfatum sub denominatione adorationis perpetuæ Sanctiss. Sacramenti Apostolica auctoritate tenore præsentium approbamus, & confirmamus; necnon primodictum, & alia tria unum videlicet in Civitate Tulen., & aliud in Oppido de Ramteruillen. Tulen. Diocesis, necnon reliquum in Oppido Nancei dictæ Tulen. seu nullius Diocesis jam erecta, & quæcumque alia, quæ in posterum Benedicente Domino forsitan eri-

gentur Monasteria, illorumque pro tempore existentes Priorissas, & cujusvis nominis Superiorissas Moniales Conventus Superiores, Visitatores, Officiales, Ministros, Servientes, & alias personas quascumque, necnon proprietates, & bona universa mobilia, & immobilia præsentia, & futura cujuscumque qualitatis, quantitatis, generis, speciei, ac naturæ existentia, & ubicumque consistentia, & alia quæcumque ad illa quomodolibet spectantia, seu ab illis quomodocumque, & qualitercumque dependentia ab omni, & quacumque Primatum, Archiepiscoporum, Episcoporum, & aliorum quorumvis Ordinariorum, seu eorum cujuslibet Officialium & Vicariorum, in spiritualibus Generalium, necnon Rectorum, & Generalium quorumvis Ordinum, jurisdictione, visitatione, correctione, reformatione, subjectione, obedientia, superioritate, & auctoritate, salva tamen semper eorum Ordinariorum jurisdictione in casibus, in quibus juxta Concilii Tridentini Decreta illam in Monasteria quantumvis exempta, & præsertim circa clausuram Regularem exercere possunt, in spiritualibus, & temporalibus penitus, & omnino etiam perpetuo eximimus, & liberamus, & sub Beati Petri, & Sanctæ Sedis Apostolicæ, ac nostræ, & pro tempore existentis Romani Pontificis protectione, & inviolabili conservatione suscipimus.

§. 9. Ac correctioni, & obedientiæ, superioritati, & omnimodæ jurisdictioni in eisdem spiritualibus, curæque, & gubernio, regimini, & administrationi in temporalibus trium personarum in dignitate Ecclesiastica constitutarum, quæ quidem conjunctim, vel saltem duæ illarum illa Monasteria gubernare, regere, & administrare possint, & debeant submitimus, & subicimus, cum hoc, quod personæ illæ ad nominationem dictarum Monialium a congregatione pro tempore existentium ejusdem S. R. E. Cardinalium negotiis, & consultationibus Episcoporum, & Regularium hujusmodi præpositorum eligi, & deputari debeant.

§. 10. Præterea eisdem Deputatis, ut supra eligendis, & stabiliendis, ut ipsi conjunctim si commode fieri poterit, vel saltem duo eorum unum Presbyterum sæcularem, vel regularem doctrina, vitæque, ac morum probitate præstantem in Monasteriorum hujusmodi Visitatorem generalem, & pro hac vice dilectum filium Henricum de Hanezon. Abbatem regularem Monasterii S. Michaelis de Sancto Michaeli ejusdem Ordinis Virdunen. Diocesis, modo velit, & possit in Officio visitationis cum omnibus facultatibus solitis, & simili Officio annexis, & de jure competentibus ad triennium dumtaxat; ita tamen ut per se ipsum, & non per alium singula Monasteria saltem semel in triennio visitare, necnon in fine triennii suæ visitationis rationem dictis Superioribus reddere debeat; necnon toties quoties expediens videbitur peracto triennio ad aliud triennium posset reeligi, & institui valeat, seu valeant.

§. 11. Insuper ut iidem deputati omnes, & singulas Constitutiones, & statuta, & præsertim illa quæ a dilecta simili in Christo filia Mechthilda a Sanctissimo Sacramento Moniali primodicti Monasterii super observantia tam primitivæ regulæ S. Benedicti, quam instituti adorationis perpetuæ Sanctissimi Sacramenti condita fuerunt, dummodo illa Sacris Canonibus non sint contraria approbandi, similiter non contraria condendi, seu antiqua quoties expediens videbitur immutandi, corrigendi, moderandi, & in meliora reformandi, necnon quoscumque actus & contractus licitos tamen, & honestos hæcenus per Moniales Monasteriorum hujusmodi quomodolibet initos, ac quoscumque habitus dicti Ordinis quibusvis Monialibus, concessionibus, & pro-

Hoc Institutum laudatur.

A Legatis de Latere Sedis Apostolicæ confirmatur.

Causæ approbationis, & Confirmationis hujus Instituti.

Preces d. Reginæ necnon Priorissæ, & Monialium d. Monasterii.

Dictum Institutum auctoritate Apostolica confirmatur.

Monasteria jam erecta & erigenda, eorumque personæ & bona eximuntur ab Ordinariorum Jurisdictione.

Excipiuntur casus expressi in Concilio Tridentino.

Eadem Monasteria recipiuntur sub Protectione S. Sedis.

In spiritualibus, & temporalibus subjiciuntur jurisdictioni trium in Dignitate Ecclesiastica constitutorum.

Qui ad nominationem Monialium debent deputari a Congregatione Episcop. & Regul.

Eisque tribuitur facultas eligendi Visitatores.

Approbandi Statuta hujus Instituti.

Actus, & contractus.



Monasterii
Superioriffa.
feu Prioriffa.
eligenda ad
triennium.

Concedun-
tur omnia
Privilegia,
gratia, & In-
dulgentia
Congregatio-
nis Cassinen.

Indulgentia
plenaria om-
nibus Vifi-
tantibus cer-
tis diebus Ec-
clesias dd.
Monasterio-
rum.

Item Indul-
gentia Monia-
libus die qua
habitu sus-
cipient, &
professionem
emittent.

Conceditur
facultas Vifi-
tatori pro
tempore ut
Moniales ab-
solvere possit
a quibusvis
casibus etiam
S. Sedi refer-
vatis.

Conditio-
nes servanda
ad effectum
gaudendi hu-
jusmodi gra-
tias.

Claufula.

ffiones inde legitime secutas approbandi, & confirmandi.

§. 12. Præterea tam quod Superioriffa, seu Prioriffa primi Monasterii præfati, quam omnium aliorum Monasteriorum jam erectorum, & in futurum forsan erigendorum Prioriffa triennalis eligi debeant, quæ tamen ad alia triennia successive toties reeligendi poterunt, quoties pro bono Monasteriorum gubernio ita expedire, & necessarium esse videbitur, denuo omnibus, & singulis eorundem Monasteriorum Prioriffis, seu Superioriffis, & Monialibus nunc, & pro tempore existentibus, ut omnibus, & singulis immunitatibus, privilegiis, libertatibus, gratis, Indultis, Indulgentiis, & favoribus spiritualibus, & temporalibus S. Benedicti primitivi Ordinis, & Congregationis Montis Cassinen. Monachis, & Monialibus, & præsertim Congregationi Monialium Reformatarum ejusdem Ordinis S. Benedicti Montis Calvarie nuncupatarum, principaliter, & particulariter, vel generaliter, aut accessorie, vel per viam concessionis, & extensionis, aut alias quomodolibet concessis, in iis tamen, quæ hujus institutis, statutis, & consuetudinibus non adversantur, & dummodo illa sint in usu, & non sint revocata, aut sub ulla revocatione comprehensa, nec Sacris Canonibus, & Conciliis contraria sint, uti, frui, potiri, & gaudere possint, & valeant pariter, ac pariformiter, perinde, ac si illa Monialibus hujus Instituti, ac illius Conventibus, personis, & bonis particulariter, specificè, & expresse, ac nominatim concessa fuissent concedimus, & indulgemus.

§. 13. Necnon omnibus, & singulis Monialibus præfatis, ac quibusvis aliis utriusque sexus Christianis vere penitentibus, & confessis, ac Sacra Communione refectis, qui quilibet Monasteriorum erectorum Ecclesias diebus festis solemnitate Corporis Christi, necnon Patroni cuiuslibet Ecclesie devote visiterint, ibique pro Romani Pontificis salute, fidei Catholicæ propagatione, & Principum Christianorum concordia, necnon hæresum extirpatione pias ad Deum preces effuderint, ac cuiuslibet ex iisdem Monialibus die qua ipsa habitum illius Ordinis suscipiet, & professionem solemnem emittet si Sanctissimum Eucharistiæ Sacramentum illa die sumperit, & ut supra oraverit, plenariam omnium peccatorum indulgentiam, & remissionem elargimur.

§. 14. Iis vero Christianis, qui in die octava solemnitate ejusdem Corporis Christi, & Dominica infra illius octavam, necnon Feria Quinta cuiuslibet hebdomadæ adorationi Sanctissimi Sacramenti in diæis Ecclesiis interfuerint centum dies de injunctis eis, aut alias quomodolibet debitis penitentis in forma Ecclesie consue-ta misericorditer in Domino relaxamus.

§. 15. Et demum earundem Monialium salutis paterne consulere volentes, illarum visitatori pro tempore existenti, ut easdem a quibusvis casibus etiam Sedi Apostolica præfata reservatis absolvere libere, & licite possit, & valeat licentiam, & facultatem Apostolica auctoritate præfata similiter concedimus, & impertimur, dummodo præfata Monasteria erecta, & in posterum forsan erigenda in Congregationem nunquam aggregentur, aut uniantur, nec alterum alteri subiciatur, & de Monasteriis, in quæ Moniales præfatas introduci contigerit per Sedem præfata Apostolicam disponi non consueverit, & pro earum Abbatissæ electione aliqua confirmatio Apostolica non requiratur.

§. 16. Decernentes præsentem literas nullo unquam tempore de subreptionis, vel obreptionis vitio, seu intentionis nostræ, aliove quolibet etiam formali, ac substantiali, & inexcogitato individuamque expressionem requirente, & undecumque resultante defectu notari, impugnari, limitari, infringi, modificari, retractari, ad viam

seu terminos juris reduci, in controversiam vocari, aliudve quodlibet juris, gratiæ, vel facti remedium impetrari, seu intentari, vel impetrato quempiam in iudicio, vel extra uti, seu se iurare posse, neque easdem præsentem sub quibusvis similibus, vel dissimilibus dispositionibus, ordinationibus, & gratiarum revocationibus, limitationibus, aliisve contrariis dispositionibus factis, & pro tempore faciendis, unquam comprehendendi, aut comprehensas censi, sed semper ab illis exceptas, & quoties illæ emanabant in pristinum, & validissimum statum, restitutas, repositas, & plenarie reintegratas, censi, firmasque, validas, & efficaces existere & fore, & ab illis ad quos spectat, & quodcumque spectabit in violabiliter, & inconcussè observari. Sicque, & non aliter in præmissis omnibus, & singulis censi, atque ita per quoscumque Iudices Ordinarios, vel Delegatos quavis auctoritate fungentes etiam causarum Palatii Apostolici Auditores, ac ejusdem S. R. E. Cardinales iudicari, & definituri debere; ac irritum quoque decernimus, & inane, si secus super his a quoquam quavis auctoritate scienter, vel ignoranter contigerit attentari, non obstantibus Constitutionibus, & ordinationibus Apostolicis, ceterisque contrariis quibuscumque.

§. 17. Nulli ergo omnino hominum liceat hanc paginam nostræ absolutionis, approbationis, confirmationis, exemptionis, liberationis, indulti, elargitionis, relaxationis, concessionis, & facultatis impertitionis infringere, vel ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apost. ejus se noverit incursum.

Datum Romæ apud S. Petrum sub Annulo Piscatoris Anno Incarnationis Dominicæ millesimo sexcentesimo septuagesimo sexto, quarto idus Decembris, Pontificatus nostri Anno primo.

Conceduntur Privilegia, Exemptiones, & Indulta ab Innocentio XI. Dapiferis, qui in Conclavi suæ Assumptionis S. R. Ecclesie Cardinalibus inservierunt.

XII.

INNOCENTIUS PAPA XI.

Motu proprio &c. Nos volentes (*Omittitur tenor, quia habetur in alia simili Clem. X. Motu proprio &c.*)

FIAT B.

Datum Romæ apud Sanctum Petrum pridie Non. Januarii Anno Primo.

Nomina Eminentissimorum DD. Cardinalium, & Dapiferorum sunt hæc, quæ sequuntur.

Benedictus Odescalculus nunc Innocentius XI. Comensis.

Petrus Joannes Bernardus de S. Paulo Vencien., Diac. Noster, dum Cardinalatus honore fungebamur.

EPISCOPI V.

Franciscus Episcopus Ostien. S. Collegii Decanus Card. Barberinus S. R. E. Vicecancellarius & Summista, Florentinus.

Uldericus Episcopus Portuensis S. R. E. Cardinal. Carpineus, Urbinas.

Julius Episcopus Sabinensis S. R. E. Card. Gabriellus, Romanus.

Cæsar Episcopus Prænestinus S. E. R. Card. Fachenettus, Episcopus Spoletanus, Bononien-
sis.

Hic-